

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Sermones

Augustinus, Aurelius

[Basel], 1494-95

Explicitum est opus sermonum de tempore

[urn:nbn:de:bsz:31-306774](https://nbn-resolving.org/urn:nbn:de:bsz:31-306774)

Sancti Augustini de tempore

- Adodo quando implent ecclesie putamus iocundari iudeos? Ecclesie edificant: dedicant: implent: quomodo illi iocundant? Ad solum non iocundant: sed etiam confundunt: **Ps. 29.** et implet vox exultantis: Exaltabo te domine quonia suscepisti me: et non iocundasti inimicos meos super me. Non iocundasti super me: si mihi credant: iocundabis in me. Ne multa dicamus: ad illa que cantauimus aliquando veniam. Quomodo dicit christus: **Lc. 5.** Conscidisti saccum meum: et accinxisti me leticia? Saccus eius erat similitudo carnis peccati. Non tibi vilescat: quod ait: saccum meum: ibi erat inclusum precium tuum. Conscidisti saccum meum. Euasimus ad saccum istum. Conscidisti saccum meum: In passione concisus est. Quomodo ergo deo patri dicis: Conscidisti saccum meum? Quomodo patri dicat: vis audire: Conscidisti saccum meum? Quia pro filio non pepercit: sed pro nobis omnibus tradidit illum. Fecit enim pro iudeos nescientes: unde redimerent scientes: et confunderent negantes. Nesciunt enim quid boni nobis operati sunt malo suo. Suspensus est saccus: et quasi letatus est impius.
- Job. 19.** Conscidit saccum lancea persecutor: et fudit precium nostrum redemptor. Lantet christus redemptor: gemat iudas venditor: erubescat iudeus emptor. Ecce iudas vendidit: iudeus emit: malum negocium egerunt: ambo damnati sunt: seipsos perdidit venditor et emptor. Dicat ergo caput nostrum: dicat pro corpore occiso: pro corpore dedicato. Dicat: audiamus: Conscidisti saccum meum: et accinxisti me leticia: id est conscidisti mortalitatem meam et accinxisti me immortalitate et incorruptione.
- Ps. 29.** Et cantet tibi gloria mea: et non confundar. Quid est: non confundar? Jam contra me non ferat lanceam persecutor. Et non confundar. Christus enim surgens a mortuis: iam non moritur: et mors illi ultra non dominabitur. Quia autem mortuus est: peccato mortuus est semel: quia autem uiuit: uiuit deo. Ita et nos inquit existimemus nos mortuos esse peccato: uiuere autem deo in christo iesu domino nostro.
- E**rgo dum nouam constructionem sancte huius ecclesie libenter attendimus quam diuino nomini hodie dedicamus: inuenimus a nobis debere et deo nostro maximam laudem: et sanctitati vestre congruum de diuine domus edificatione sermonem. Tunc autem sermo noster congruus erit: si in se aliquid edificationis habeat: quod utilitati animarum uestrarum deo uos inter-

edificante proficiat. Ad hoc factum corporaliter videmus in parietibus: spiritualiter fiat in mentibus: et quod hic perfectum cernimus in lapidibus et lignis: hoc edificatione gratia dei proficiat in corporibus uestris. Principaliter ergo gratias agamus domino deo nostro: a quo est omne datum optimum: et omne donum perfectum: et eius bonitatem tota cordis alacritate laudemus: quonia ad construendam istam domum orationis fidelium suorum uisitauit animum: excitauit effectum: surrogauit auxilium: inspirauit necdum uolentibus ut uellent: adiuuit bonam uoluntatis conatus ut facerent: ac per hoc deus qui operatur in suis et uelle et proficere pro bona uoluntate: hec omnia ipse cepit: ipse profecit. Et quia opera bona in conspectu suo nunquam esse permittit inania: fidelibus suis quibus operantibus prebuit uirtutis sue fauorem: tribuet condignam pro tanta operatione mercedem. Adhuc amplius agende sunt gratie deo nostro. Hanc enim ecclesiam quaz fecit nomini suo construere: fecit etiam sanctorum martyrum reliquijs amplius honorari.

Explicitus est opus sermonum de tempore Diui Aurelij Augustini: Basilee per magistrum Joannem de Amerbach: Anno salutiferi uirginis partus Nonagesimo quinto supra Millelesimum quaterque centesimum.